

Me āwhina ki te waihanga i te anamata o tō kura

He mōhiohio mō te tukanga whakarite mahere me te tuku pūrongo

Mā tō reo me ū mōhio, ka āwhina koe ki te hanga i tō kura hei wāhi e momoho ai ngā tamariki me ngā taiohi katoa.

He aha te take he hira te whakarite mahere me te tuku pūrongo a te kura?

Me mahi tahi ngā kura me koe, tō rātau hapori, ki te whakarite mahere mō ngā rā e heke iho.

Mā tēnei e taea ai e te katoa, tae atu ki ngā tamariki me ngā taiohi, ngā mātua, ngā whānau, me te hapori whānui, te whakapūmau i ngā whāinga mō te kura e whakaata ana i ngā hiahia o ngā ākonga katoa me ngā tautoko kia angitu ai rātau.

Ka āwhina tō reo i ngā kura kia whakapai ake i te wheako kura mō ngā ākonga katoa.



Me aha ngā kura?

Me hanga ngā kura i ngā mahere wā roa, ā-tau hoki e ai ki ngā kōrero mai i a koe me ngā whakamārama a ā rātau raraunga (pērā i ngā raraunga paetae) me noho hei kaupapa matua.

Mā ā rātau mahere, me mātua whakarite ngā kura:

- » ka taea e ia ākonga te taumata mātauranga teitei rawa mōna
- » he wāhi haumaru ā-tinana, ā-kare ā-roto, he whakarite ka whakaūngia ngā tika tangata o ngā ākonga me te whai ki te whakakore i te kaikiri, whakamā, te whakaweti me ētahi atu momo whakahāwea
- » he wāhi tauawhi te kura e manaaki ana i ngā ākonga whai matea rerekē
- » ka whakamana te kura i Te Tiriti o Waitangi, mā te:
 - › te whakauru mai i ngā tikanga, mātauranga, me te ao Māori i roto i ā rātau mahere
 - › te whai i ngā mahi tōtika mō te whakaako i ngā tikanga Māori me te reo Māori
 - › te whakatutuki i ngā putanga tōkeke mō ngā ākonga Māori.

He aha ngā mea hei tūmanako māku mai i taku kura?

Ko tāu hei tūmanako mai i tō kura:

- » ka hiahia ki te kōrero ki a koe mō ngā mea kei te pai te mahi, me ngā mea e hira ana ki a koe. Ka āwhina tēnei i tō kura ki te whakarite he aha ngā whāinga.
- » me mātua whakarite kei te whiwhi ngā ākonga me ngā mātua katoa i ngā kape o ā rātau mahere kua tuhia kia mārama ai (me mātua whakaputa tuihono).
- » me pūrongo i ia tau ki a koe mō te āhua o ngā mahi, tae atu ki te whaitake ki te anga whakamua me te oranga o ngā ākonga.

Ki hea ahau tiki kōrero atu ai anō?

Me kōrero ki tō kura ki te rapu mōhio atu anō mō ā rātau tukanga hanga mahere.

Ka kitea anō e koe me aha ngā kura mō te hanga mahere me te tuku pūrongo ki te paetukutuku a Te Tāhu o Te Mātauranga mā te matawai i te waehere QR, mā te haere rānei ki te paetukutuku i raro.

[www.education.govt.nz/
school/schools-planning-
and-reporting/](http://www.education.govt.nz/school/schools-planning-and-reporting/)

